

Na osnovu člana 30. stav 1, tačka 1. Statuta Ljekarske komore Zeničko-dobojskog kantona, Izvršni odbor Ljekarske komore Zeničko-dobojskog kantona na sjednici održanoj dana 28.06.2018. godine donio je

**P R A V I L N I K**  
**O DODJELI KOLEGIJALNE POMOĆI ČLANOVIMA KOMORE**  
(prečišćeni tekst)

**I OPĆE ODREDBE**

**Član 1.**

Ovim Pravilnikom o dodjeli pomoći članovima Komore, (dalje u tekstu: Pravilnik), određuju se izvori sredstava, namjena i visina, uvjeti te postupak za dodjelu pomoći članovima Ljekarske komore Zeničko-dobojskog kantona, (dalje u tekstu: Komora).

**Član 2.**

Za dodjelu pomoći iz člana 1. ovog Pravilnika, Komora osniva poseban Fond.

**Član 3.**

Sredstva Fonda osiguravaju se iz:

ukupno ostvarenih prihoda od članarine i upisnine u tekućoj godini, sukladno finansijskom planu Komore,  
dobrovoljnih priloga članova Komore i drugih pravnih i fizičkih osoba.

**II KOMISIJA ZA KOLEGIJALNU POMOĆ**

**Član 4.**

Komisija za kolegijalnu pomoć, (u daljem tekstu Komisija), koja brine o prikupljanju sredstava i dodjeli novčane pomoći sastoji se od predsjednika, zamjenika predsjednika i tri člana.

Komisiju bira Izvršni odbor Ljekarske komore Zeničko – dobojskog kantona.

**Član 5.**

Konačnu odluku o dodjeljenim sredstvima donosi Izvršni odbor Komore

**Član 6.**

Nadzor nad sredstvima Fonda obavlja Nadzorni odbor Komore.

### **III NOVČANA POMOĆ**

#### **Član 7.**

Pravo na dodjelu novčane pomoć ima svaki član Komore a članstvom dužim od 1 (jedne) godine koji uredno plaća članarinu i ima važeće Odobrenje za samostalan rad (licencu)

#### **Član 8.**

Pomoć je novčana i pripada članu Komore u slučaju:

1. Oboljenja od malignih bolesti u maksimalnom iznosu do 2.000 KM.  
Zahtjev iz tačke 1. može se obnoviti nakon 3 (tri) godine od dana dodjele pomoći uz dodatnu medicinsku dokumentaciju.
2. Usljed nastanka teže bolesti zbog koje je član na bolovanju bez prekida 6 i više mjeseci, u iznosu od 100 KM po mjesecu bolovanja.
3. Član Komore može dobiti pomoć kada bude doveden u situaciju koja zahtjeva neophodnu materijalnu pomoć, pomoć se može isplatiti u maksimalnom iznosu do 500KM.
4. Član komore prilikom odlaska u penziju ima pravo na naknadu od 500 KM.

Sve pomoći iz stava 1. ovog člana isplaćuju se u neto iznosu na transakcijski račun podnosioca zahtjeva.

### **IV POSTUPAK ZA DODJELU NOVČANE POMOĆI**

#### **Član 9.**

Član Komore obraća se Komisiji zahtjevom za dodjelu kolegijalne pomoći ([www.ljkzedo.ba](http://www.ljkzedo.ba)). Zahtjevu se prilaže odgovarajuća dokumentacija kojom se dokazuje osnova za traženje pomoći (kopija medicinske dokumentacije i slično).

Zahtjev se podnosi u roku od šest mjeseci od dana nastanka događaja zbog kojeg se traži pomoć.

Novčana pomoć isplaćuje se jednokratno po svakom događaju, izuzev u slučaju oboljelih od malignih bolesti, koji zahtjev može obnoviti nakon tri godine sa dodatnom medicinskom dokumentacijom.

U slučaju da je zahtjev nepotpun, Komisija će od podnosioca zahtjeva zatražiti da istu nadopuni u roku od 15 dana od dana primitka zahtjeva ili na samoj sjednici Komisije.

Ako podnositelj zahtjeva u zadanom roku ne dostavi traženo, Komisija će donijeti Zaključak u kojem će navesti nedostatke zahtjeva, a Izvršni odbor će isti odbaciti odlukom.

#### **Član 10.**

O podnesenim zahtjevima Komisija odlučuje na sjednicama.

## **Član 11.**

O podnesenim zahtjevima Komisija donosi zaključak, na osnovu kojeg Izvršni odbor donosi odluku.

Odluka Izvršnog odbora Komore je konačna.

## **Član 12.**

Komisija je obvezna voditi evidenciju o svim zaprimljenim zahtjevima za dodjelu novčane pomoći.

Finansijsko-ekonomska služba Komore vodi evidenciju o dodijeljenim novčanim pomoćima.

## **Član 13.**

Komisija je obvezna podnijeti izvješće o svom radu Nadzornom odboru Komore dva puta godišnje.

## **V PRIJELAZNE I ZAVRŠNE ODREDBE**

### **Član 14.**

Zahtjevi koji su zaprimljeni prije stupanja na snagu ovog Pravilnika, razmatrat će se po odredbama ovog Pravilnika.

### **Član 15.**

Prečišćeni tekst Pravilnika o dodjeli kolegijalne pomoći članovima Komore sadrži odredbe Pravilnika o dodjeli kolegijalne pomoći članovima komore članovima komore broj 01/12-16-336 od 17.05.2018. godine

Odluku o izmjenama i dopunama Pravilnika o dodjeli kolegijalne pomoći članovima komore broj 01/12-17-392 od 28.06.2018. godine

### **Član 16.**

Ovaj Pravilnik stupa na snagu danom donošenja.

### **Član 17.**

Pravilnik se objavljuje na web stranici Ljekarske komore Zeničko-dobojskog kantona [www.ljkzedo.ba](http://www.ljkzedo.ba)

Predsjednik Izvršnog odbora Ljekarske komore ZDK

---

Prim.dr. Elvira Ljevaković

Broj protokola: 01/2-17-393

Datum: 28.06.2018. godine.